

Visoki predstavnik/specijalni predstavnik EU razočaran neusvajanjem Zakona o lijekovima u Vijeću ministara BiH



Na jučerašnjoj sjednici Vijeće ministara BiH nije usvojilo Zakon o lijekovima, uprkos činjenici da se na pronalaženju kompromisnog rješenja radilo nekoliko mjeseci. Ovaj zakon ima za cilj da uspostavi jedinstveno tržište lijekova, čime se osigurava kvalitet i sigurnost lijekova i medicinskih sredstava u BiH. Na taj način, Zakon bi poboljšao mehanizme zaštite zdravlja građana, ali i podstakao konkurentno formiranje cijena, te korisnicima omogućio veći izbor lijekova. Zbog toga jučerašnje neusvajanje Zakona ide na štetu građana Bosne i Hercegovine. Neke političke stranke su mjesecima pod pritiskom koji se na njih vrši kako bi odbile otvaranje tržišta, a neki od ključnih ministara jučer nisu došli na sjednicu i nisu glasali, čime su onemogućili usvajanje Zakona uprkos činjenici da je većina ministara koji su prisustvovali sjednici bila za njegovo donošenje.

Nakon jučerašnjeg neusvajanja Zakona o lijekovima, visoki predstavnik i specijalni predstavnik EU, Miroslav Lajčak, konstatirao je sljedeće: «Razočaran sam da su, opstruirajući ovaj zakon, ministri još jednom pokazali kako dobrobit građana ne stavljaju na prvo mjesto. Ministri su imenovani da rade u interesu zemlje, a ne za uske stranačke ili privatne interese. Građani Bosne i Hercegovine imaju pravo na jeftinije lijekove i na mogućnost izbora različitih lijekova na tržištu. Neću tolerirati zloupotrebu procedura Vijeća ministara i

zloupotrebu ministarskih funkcija koja se vrši u cilju zaštite privatnih lobija, a ne u cilju zaštite prava građana. Ministre ću smatrati potpuno odgovornim za njihove postupke», zaključio je visoki predstavnik i specijalni predstavnik EU.